

四庫全書

子部

欽定四庫全書

子部

景岳全書卷

九八

詳校官太醫院恩糧臣袁文錫

編修臣倉聖脈覆勘

總校官原任中允臣王燕緒

校對官中書臣呂雲棟

謄錄監生臣宋允辰

欽定四庫全書

景岳全書卷八

明 張介賓 撰

傷寒中

溫病暑病

三十一

溫病暑病之作本由冬時寒毒內臟故至春發為溫病
至夏發為暑病此以寒毒所化故總謂之傷寒仲景曰
發熱不惡寒而渴者溫病也暑病則尤甚矣蓋暑病者
即熱病也是雖與寒證不同然亦因時而名非謂其病

必皆熱也此外如夏月中暑者亦謂之暑病則又非寒毒蓄留之證在仲景即名之為中暍義詳暑證門所當參閱

一溫病暑病之治宜從涼散固其然也然必表裏俱有熱證方可治用清涼若值四時寒邪客勝感冒不正之氣表邪未解雖外熱如火而內無熱證可據者不得以溫暑之名執以為熱而驟用涼藥

一冬有非時之煖或君相客熱之令而病熱者名曰冬

溫此與冬月正傷寒大異法宜涼解此舍時從證也
若夏有寒者其宜溫亦然

素問刺志論曰氣盛身寒得之傷寒氣虛身熱得之傷
暑傷寒論曰脈盛身寒得之傷寒脈虛身熱得之傷
暑此二論之言傷寒傷暑者非即溫病暑病之謂蓋
單指夏月感觸時氣者所當辨其為寒為暑而寒則
宜溫暑則宜清也身寒者言受寒憎寒身熱者言受
熱發熱非曰身冷者方是傷寒身熱者乃是傷暑也

但此二論則一曰氣盛氣虛一曰脉盛脉虛詞若異而理則一也故凡察氣者當在形色察脉者當在本元合而觀之則見理精矣

發斑

三十
四

發斑證輕則如疹子重則如錦紋其致此之由雖分數種然總由寒毒不解而然如當汗不汗則表邪不解當下不下則裏邪不解當清不清則火盛不解當補不補則無力不解或下之太早則邪陷不解或以陽證誤用

溫補則陽亢不解或以陰證誤用寒涼則陰凝不解凡
邪毒不解則直入陰分鬱而不散必致液涸血枯斑見
肌表此實毒邪固結營衛俱劇之證也但斑有微甚勢
有重輕輕者細如蚊迹或先紅而後黃重者成粒成片
或先紅而後赤輕者只在四肢重者乃見胸腹輕者色
淡而隱重者色紫而顯若見黑斑或大便自利或短氣
或二便不通則十死九矣凡病傷寒而汗下溫清俱不
能解及足冷耳聾煩悶欬嘔者便是發斑之候

一成無已曰大熱則傷血熱不散裏實表虛熱邪乘虛
出於皮膚而為斑也慎不可發汗若汗之重令開泄
更增斑爛也自後諸家所述皆同此說予則以為不
然蓋凡傷寒之邪本自外而入深入不解則又自內
而出此其表裏相乘勢所必至原非表虛證也但使
內外通達則邪必由表而解矣即如犀角地黄湯乃
治斑之要藥人知此湯但能涼血清毒而不知此湯
善於解表散邪若用之得宜則必通身大汗熱邪頓

解何為不可汗耶由此言之則凡脉數無汗表證具在者必須仍從解散

一凡治發斑須察表裏如瘟疫不解熱入血室舌焦煩熱發斑者犀角地黄湯○內外俱熱陽明狂躁大渴發斑者白虎湯或加人參○陽毒赤斑狂言見血者陽毒升麻湯○疫癘發斑大熱而燥者三黃石膏湯○火鬱於經寒邪不解脉仍滑數而發斑者一柴胡飲○陽明外邪陽毒不解者升麻湯○脾腎本虛外

邪不解而發斑者五柴胡飲○陽明表邪不解溫熱
發斑者柴胡白虎煎○溫熱毒盛咽痛發斑者玄參
升麻湯○陰虛水虧血熱發斑者玉女煎○陰虛血
燥大熱大渴發斑者歸葛飲○內虛外實陰盛格陽
發斑者大溫中飲○太陽陽明惡熱大便秘結邪毒
在府發斑者調胃承氣湯

一凡本非陽證妄用寒涼者每令人泄瀉邪陷不解予常
用大溫中飲理陰煎之類解寒托邪始得大汗汗後邪

達多有見赤斑風餅隨汗而出隨出隨沒頃刻即愈活者多人矣凡寒毒為斑即此可見使內托無力則此毒終無出期日深日甚難乎免矣此理甚微不可不察

發黃

三十
五

凡發黃黃疸等證多由濕熱如小水不利或黃或赤或小腹脹滿不痛或大便實而渴甚脉來沉實有力皆濕熱之證輕則茵陳五苓散重則茵陳湯分利小便清血瀉火則黃白退矣然黃有陰證及諸治法俱詳黃疸門

宜參用之

仲景曰太陽病脈浮而動數頭痛發熱微盜汗出而反惡寒者表未解也醫反下之則為結胸若不結胸但頭汗出小便不利身必發黃也○曰陽明病無汗小便不利心中懊懣者身必發黃○陽明病發熱汗出者此為熱越不能發黃也但頭汗出身無汗際頸而還小便不利渴引水漿者此為瘧熱在裏身必發黃茵陳蒿湯主之○曰傷寒脈浮而緩手足自溫者繫

在太陰身當發黃若小便自利者不能發黃至七八日大便鞭者為陽明病也○曰傷寒發汗已身目為黃所以然者以寒濕在裏不解故也以為不可下也於寒濕中求之○傷寒身黃發熱者梔子蘘皮湯主之

孫真人曰黃疸脉浮者當以汗解之宜桂枝加黃耆湯

發狂 三十
六

傷寒發狂本陽明實熱之病然復有如狂證者雖似狂

而實非狂此中虛實相反最宜詳辨不可忽也凡實熱之狂本屬陽明蓋陽明為多氣多血之經陽邪傳入胃府熱結不解因而發狂內經陽明脉解篇曰胃者土也故聞木音而驚者土惡木也其惡火者熱甚則惡火也其惡人者以陽明厥則喘而惋惋則惡人也其病甚則棄衣而走登高而歌或數日不食或踰垣上屋者以四肢為諸陽之本陽盛則四肢實實則能登高也其棄衣而走者以熱盛於身也其妄言罵詈不避親疎而歌者

以陽盛為邪也又曰陰不勝其陽則脉流薄疾并乃狂
又曰邪入於陽則狂是皆以陽明熱邪上乘心肺故令
神志昏亂若此此陽狂也然傷寒病至發狂是為邪熱
已極使非峻逐火邪則不能已故但察其大便鞭結或
腹滿而堅有可攻之證則宜以大小承氣或涼膈散六
一順氣湯之類下之可也如無脹滿實堅等證而惟胃
火致然者則但以白虎湯抽薪飲之類泄去火邪其病
自愈

一 如狂證本非實熱發狂其證亦有輕重如仲景曰太陽病不解熱結膀胱其人如狂其外不解者尚未可攻當先解外外已解但少腹急結者乃可攻之宜桃仁承氣湯○又曰太陽病六七日表證仍在脈微而沉反不結胸其人如狂者以熱在下焦少腹當鞭滿小便自利者下其血乃愈抵當湯主之按此二條以太陽熱邪不解隨經入府但未至發狂故曰如狂此以熱搏血分畜聚下焦故宜下也

一近見傷寒家則別有如狂之證古人所未及言者蓋
或由失志而病其病在心也或由悲憂而病其病在
肺也或由失精而病其病在腎也或由勞倦思慮而
病其病在肝脾也此其本病已傷於內而寒邪復感
於外則病必隨邪而起矣其證如狂亦所謂虛狂也
而虛狂之證必外無黃赤之色剛暴之氣內無胸腹
之結滑實之脉雖或不時躁擾而禁之則止口多妄
誕而聲息不壯或眼見虛空或驚惶不定察其上則

口無焦渴察其下則便無鞭結是皆精氣受傷神魂不守之證此與陽極為狂者反如水炭而時醫不能察但見錯亂便謂陽狂妄行攻瀉必致殺人凡治此者須辨陰陽其有虛而挾邪者邪在陽分則宜補中益氣湯之類邪在陰分則宜補陰益氣煎之類虛而無邪者在陽分則宜四君八珍十全大補湯大補元煎之類在陰分則宜四物六味左歸飲一陰煎之類陰虛挾火者宜加減一陰煎二陰煎之類陽虛挾寒

者宜理中湯回陽飲八味湯右歸飲之類此方治之
宜大畧如此而變證之異則有言不能傳者能知意
在言表則知所未言矣

一凡身有微熱或面赤戴陽或煩燥不寧欲坐卧於泥
水中然脉則微弱無力此陰證似陽也名為陰躁蓋
以陽虛於下則氣不歸原故浮散於上而發躁如狂
速當溫補其下命門煖則火有所歸而病當自愈若
醫不識此而誤用寒涼者必死

一發狂下利讖語者不治○狂言反目直視者為腎絕死○汗出後輒復熱狂言不食者死

風濕

三十
七

仲景論曰太陽病關節疼痛而煩脈沉而細者此名濕痺其人小便不利大便反快但當利其小便○曰濕家之為病一身盡痛發熱身色如熏黃○濕家其人但頭汗出背強欲得被覆向火若下之早則噦胸滿小便不利舌上如胎者以丹田有熱胸中有寒渴欲得水而不

能飲口燥煩也○濕家下之額上汗出微喘小便不利者死利下不止者亦死

論曰風濕相搏一身盡疼痛法當汗出而解值天陰雨不止醫云此可發汗汗之病不愈者何也曰發其汗汗大出者但風氣去濕氣在是故不愈也若治風濕者發其汗但微微似欲汗出者風濕俱去也○濕家病身上疼痛發熱面黃而喘頭痛鼻塞而煩其脉大自能飲食腹中和無病病在頭中寒濕故鼻塞內藥

鼻中則愈○病者一身盡疼發熱日晡所劇者此名風濕此病傷於汗出當風或久傷取冷所致也

論曰傷寒八九日風濕相搏身體疼煩不能自轉側不嘔不渴脉浮虛而濇者桂枝附子湯主之○若其人
大便鞭小便自利者桂枝湯去桂加白朮主之○風
濕相搏骨節煩疼掣痛不得屈伸近之則痛劇汗出
短氣小便不利惡風不欲去衣或身微腫者甘草附
子湯主之

結胸

三十
八

仲景曰病有結胸其狀何如答曰按之痛寸脉浮關脉沉名曰結胸也○曰病發於陽而反下之熱入因作結胸病發於陰而反下之因作痞所以成結胸者以下之太早故也○曰結胸脉浮大者不可下下之即死○曰結胸證悉具煩躁者亦死

論曰太陽病脉浮而動數頭痛發熱微盜汗出而反惡寒者表未解也醫反下之胃中空虛陽氣內陷心下

因鞭而為結胸大陷胸湯主之○曰太陽病重發汗而復下之不大便五六日舌上燥而渴日晡所小有潮熱從心下至少腹鞭滿而痛不可近者大陷胸湯主之○按此二條皆言太陽表證未解因誤下之而成結胸也

論曰傷寒五六日嘔而發熱者此柴胡湯證具而以他藥下之其柴胡證仍在者當復與柴胡湯必蒸蒸而振却發熱汗出而解若心下滿而鞭痛者此為結胸

也大陷胸湯主之但滿而不痛者此為痞柴胡不中與之宜半夏瀉心湯○按此一條以少陽表證未解因誤下之而成結胸也

論曰太陽少陽併病而反下之成結胸心下鞭下利不止水漿不入其人煩心○按此一條以太陽少陽併病二經表邪未解亦因誤下而成結胸也

論曰陽明病心下鞭滿者不可攻之攻之利遂不止者死利止者愈○按此一條謂陽明邪氣入府者必腹

金匱要略卷八
卷八
滿便結今惟心下鞭以邪氣尚淺未全入府故不可
攻此雖非結胸而實亦結胸之類蓋不由誤下而因
陽明之邪漸深也

論曰傷寒六七日結胸熱實脉沉而緊心下痛按之石
鞭者大陷胸湯主之○按此一條不云下早而云熱
實其於六七日脉沉緊而心下鞭痛者此傷寒傳裏
之實邪有不因誤下而成結胸者乃傷寒之本病也
愚按結胸一證觀傷寒論所載如前數條凡太陽表邪

未解而誤下者成結胸少陽證亦然太陽少陽併病者亦然此不當下而誤下之以致藏氣空虛外邪乘虛內陷結於胸膈之間是皆因下而結者也又曰傷寒六七日結胸熱實脈沉而緊心下痛按之石鞭者此不因下而邪實漸深結聚於胸者也然則結胸一證有因誤下而成者有不因下而由於本病者觀近代傷寒諸書云未經下者非結胸也豈不謬哉

一結胸證觀仲景所言惟太陽少陽二經誤下者有之

而陽明一經獨無言及者何也蓋凡病入陽明胃府已實故可下之而無害也然又曰陽明病心下鞭滿者不可攻之攻之利不止者死此豈非陽明在經表證邪未入府者亦為不可下乎不惟三陽為然即三陰之證其有發熱惡寒表邪未解者切不可下最當慎也

一結胸證治之辨凡心腹脹滿鞭痛而手不可近者方是結胸若但滿不痛者此為痞滿非結胸也凡痞滿

之證乃表邪傳至胸中未入於府此其將入未入猶兼乎表是即半表半裏之證只宜以小柴胡之屬加枳壳之類治之或以本方對小陷胸湯亦妙今余新方製有柴陳煎及一些胡飲之類皆可擇而用之也至於結胸之治則仲景俱用大陷胸湯主之然以余之見則惟傷寒本病其有不因誤下而實邪傳裏心下鞭滿痛連小腹而不可近或燥渴譫妄大便鞭脉來沉實有力者此皆大陷胸湯所正宜也其於太陽

少陽表邪未解因下早而致結胸者此其表邪猶在若再用大陷胸湯是既因誤下而復下之此則余所未敢不若以痞滿門諸法酌其輕重而從乎雙解以緩治之或外用罨法以解散胸中實邪此余之屢用獲效而最穩最捷者也罨法見新方因類第三十

陰厥陽厥

三十

附藏厥虵厥

厥有二證曰陽厥曰陰厥也陽厥者熱厥也必其先自三陽傳入陰分故其初起必因頭疼發熱自淺入深然

後及於三陰變為四肢逆冷或時乍溫其證必便結躁
煩讖語發渴不惡寒反惡熱脉沉有力此以傳經熱證
所化外雖手足厥冷內則因於熱邪陽證發厥故為陽
厥乃陽極似陰也其證由邪熱內結或伏陽失下之所
致也凡厥微則熱亦微宜四逆散之類厥甚則熱亦甚
宜承氣湯之類也○厥陰者寒厥也初無三陽傳經實
熱等證而真寒直入三陰則畏寒厥冷腹痛吐瀉戰慄
不渴脉沉無力者此陰寒厥逆獨陰無陽也故為陰厥

輕則理中湯重則四逆回陽等湯主之

成無已曰四逆者四肢不溫也傷寒邪在三陽則手足必熱傳到太陰手足自溫至少陰則邪熱漸深故四肢逆而不溫也及至厥陰則手足厥冷是又甚於逆故用四逆散以散其傳陰之熱證

論曰諸四逆厥者不可下之虛家亦然○成無已註曰四逆者四肢不溫也厥者手足冷也甚於四逆也皆陽氣少而陰氣多故不可下虛家亦然金匱玉函曰

虛者十補勿一瀉之

論曰凡厥者陰陽氣不相順接便爲厥厥者手足逆冷是也○病者手足厥冷言我不結胸小腹滿按之痛者此冷結在膀胱關元也○傷寒發熱四日厥反三日復熱四日厥少熱多其病當愈○傷寒厥四日熱反三日復厥五日其病爲進寒多熱少陽氣退故爲進也○若厥而嘔胸脇煩滿者其後必便血

論曰少陰病下利清穀裏寒外熱手足厥逆脉微欲絕

身反不惡寒其人面赤色或腹痛或乾嘔或咽痛或利止脉不出者通脉四逆湯主之○傷寒脉促手足厥逆者可灸之○傷寒脉滑而厥者裏有熱也白虎湯主之○手足厥寒脉細欲絕者當歸四逆湯主之若其人內有久寒者宜當歸四逆加吳茱萸生薑湯主之○大汗出熱不去內拘急四肢疼又下利厥逆而惡寒者四逆湯主之○大汗若大下利而厥逆者四逆湯主之○病人手足厥冷脉乍緊者邪結在胸

中心中滿而煩饑不能食者病在胸中當須吐之宜
瓜蒂散○傷寒厥而心下悸者宜先治水當服茯苓
甘草湯却治其厥不爾水漬入胃必作利也○下利
清穀裏寒外熱汗出而厥者通脈四逆湯主之○嘔
而脈弱小便復利身有微熱見厥者難治四逆湯主之
按陽厥陰厥其辨如前此先哲之大法也然愚則猶有
所辨如陰厥一證既無陽證陽脈而病寒若此明是
陰證今人但曰中寒者即其病也然犯此者無幾知

此者無難治宜溫中無待辨也惟是陽厥一證則有不得不辨者夫厥由三陽所傳是爲陽厥此固然矣即以傳經者言之又豈盡無陰證乎故凡病真陽不足者即陽中之陰厥也脉弱無神者即陽中之陰厥也攻伐清涼太過者即陽中之陰厥也四肢爲諸陽之本使非有熱結煩渴脹實等證而見厥逆者皆由陽氣不足也成無已曰太抵厥逆爲陰所主寒者多矣又曰厥爲陰之盛也故凡屬挾虛傷寒則雖自陽

經傳入者是亦陽中之陰厥也陰中之陰者宜溫陽中之陰者果宜涼乎學者勿謂其先有頭疼發熱但自三陽傳至者便為陽厥而寒因熱用之則為害不小矣

一臟厥證仲景曰傷寒脈微而厥至七八日膚冷其人躁無暫安時者此為臟厥臟厥者死陽氣絕也

一虵厥證仲景曰虵厥者其人當吐虵令病者靜而復時煩此為臟寒虵上入膈故煩須臾復止得食而嘔

又煩者虵聞食臭出其人當自吐虵虵厥者烏梅丸
主之○成無己曰臟厥者死陽氣絕也虵厥雖厥而
煩吐虵已則靜不若臟厥而躁無暫安時也病人臟
寒胃虛故宜與烏梅丸溫臟安蟲

讖語鄭聲

十四

論曰實則讖語虛則鄭聲此虛實之有不同也夫讖語
鄭聲總由神魂昏亂而語言不正又何以分其虛實但
讖語者狂妄之語也鄭聲者不正之聲也讖語為實實

者邪實也如傷寒陽明實熱上乘於心心為熱胃則神魂昏亂而譫妄不休者此實邪也實邪為病其聲必高其氣必壯其脉必強其色必厲凡登高罵詈狂呼躁擾之類皆是也此之為病有燥糞在胃而然者有瘀血在臟而然者有火盛熱極而然者有腹脹便秘口瘡咽爛而然者察其果實即當以三承氣或白虎湯涼膈散之類治之○鄭聲為虛虛者神虛也如傷寒元神失守為邪所乘神志昏沉而錯亂不正者此虛邪也虛邪為病

其聲必低其氣必短其脉必無力其色必萎悴凡自言自語喃喃不全或見鬼怪或驚恐不休或問之不應答之不知之類皆是也此之為病有因汗亡陽因下亡陰而然者有焦思抑鬱竭厥心氣而然者有勞力內傷致損脾腎而然者有日用消耗暗殘中氣而然者凡其或雖起倒而過之即止終不若實邪之難制者即虛邪也察其果虛最忌妄行攻伐少有差謬無不即死治此者速宜察其精氣辨其陰陽舍其外證救其根本稍遲

猶恐不及而況於誤治乎甚至有自利身寒或尋衣撮
空面壁啐啐者尤為逆候蓋譫妄一證最於虛損者不
宜有之故凡身有微熱脉見洪滑者生心多煩燥脉見
微弱細急而逆冷者死所以證逢虛損而見有譫妄者
即大危之兆不可不加之意也

衄血四十

雜病衄血其熱在裏傷寒衄血其熱在表論曰傷寒小
便清者知不在裏仍在表也當發其汗若頭痛者必衄

宜桂枝湯○曰傷寒脉浮緊不發汗因致衄者麻黃湯
主之此以傷寒之衄為其熱不在裏在表而然也然又
論曰衄家不可發汗而何以復用麻黃桂枝等湯蓋衄
由乎陰者以陰虛火動也故不宜再汗以亡陰衄由乎
陽者以表邪未解也故當用桂枝麻黃以發散又論曰
太陽病脉浮緊發熱身無汗自衄者愈此以表邪欲解
不從汗而從血俗人謂之紅汗所以衄後當愈也由此
觀之則有因衄而愈者以經通而邪散也有治衄仍當

發散者以邪之將解未解而因散其餘邪也治衄之法於斯可見若寒氣不甚而用麻黃桂枝似屬太剛或易以柴葛之類自無不可用者其酌之

論曰陽明病口燥但欲漱水不欲嚥者此必衄蓋陽明之脈絡於口鼻今其漱水不欲嚥者以熱在經而裏無熱故當鼻衄也

一有動陰血者又非衄血之謂論曰少陰病但厥無汗而強發之必動其血未知從何道出故或從口鼻或

從日出者是名下厥上竭此陰血也乃為危證

畜血

四十二

傷寒畜血者以熱結在裏搏於血分留瘀下焦而不行也論曰傷寒有熱少腹滿應小便不利今反利者為有血也○又曰太陽病身黃脉沉結少腹鞭小便不利者為無血也小便自利其人如狂者血證諦也大抵熱畜血分留結下焦則生狂躁論曰熱結膀胱其人如狂者是也然又有陽明證其人喜忘屎雖鞭而大便反快其

色黑者是亦畜血之證故凡診傷寒但其少腹鞭滿而痛便當問其小便若小水自利者知為畜血之證蓋小水由於氣化病在血而不在氣故小便利而無恙也血瘀於下者血去則愈其在仲景之法則以抵當湯抵當丸主之愚謂但以承氣之類加桃仁紅花以逐之或其兼虛者以玉燭散之類下之則畜血自去而病無不除矣

成無已曰傷寒衄者以邪氣不得發散壅盛於經逼迫

於血因而致衄也畜血者下焦結聚而不行不散也
血菀於上而吐血者謂之薄厥留瘀於下者謂之畜
血此由太陽經瘀熱在裏搏蓄下焦所致經曰太陽
病七八日表證仍在脈沉而微反不結胸其人如狂
者以熱在下焦少腹當鞭滿小便自利者下血乃愈

熱入血室

四十
三

論曰陽明病下血譫語者此為熱入血室是兼男女而
言也○曰婦人中風七八日續得寒熱發作有時經水

適斷者此為熱入血室其血必結故使如瘧狀發作有時小柴胡湯主之○曰婦人中風脉遲身涼而證如結胸者當刺期門○曰婦人傷寒經水適來晝日了了暮則讖語者無犯胃氣及上二焦必自愈

按血室者即衝任血海也亦血分也凡血分之病有畜血者以血因熱結而留畜不行也有熱入血室者以邪入血分而血亂不調也故血畜者去之則愈血亂者調之則安調之之法則熱者宜涼陷者宜舉虛者

宜滋痰者宜行邪未散者宜解也然此皆病在下焦故曰無犯胃氣及上二焦必自愈是又不可不察

胸脇腹滿

四十

凡邪氣自表傳裏必先入胸膈以次漸從脇肋而後入胃邪氣入胃乃為入府是以胸滿者猶屬表證脇滿則半表半裏也大抵胸脇滿者以邪氣初入於裏氣鬱不行所以生滿尚未停聚為實故但從和解以小柴胡之屬則可愈矣若果實邪在上留滯不能散者乃可吐之

華元化曰四日在胸吐之則愈是因邪已收聚而未及散漫者乃可吐也在仲景用梔子豉湯或瓜蒂散之屬梔子豉湯可吐客熱瓜蒂散可吐實痰其或一時藥有不便余有吐法在新方攻陣中可以代之或即以和解之藥探而吐之無不可也

一腹滿證按華元化曰傷寒一日在皮二日在膚三日在肌四日在胸五日在腹六日在胃入胃即為入府入府即在腹也若腹雖滿而未甚者猶是未全入府

不可攻也然腹滿之證有虛實也有寒熱也不可一
槩皆以實論觀金匱要畧曰腹滿不減減不足言當
下之是不減者為實滿也又曰腹滿時減復如故此
虛寒從下上也當以溫藥和之是或進或退時或減
而時復如故者本非結聚實邪此虛滿也大抵腹滿
之證本屬太陰若是陽邪則必咽乾煩熱脉實有力
若是陰邪則必腹滿吐食畏寒自利脉息無神可以
辨之實熱者可清可攻虛寒者宜溫宜補也

嘔吐噦證

四十
五

嘔者有聲無物吐者吐出食物也嘔者有寒有熱吐則皆因胃寒也凡嘔而發熱煩悶者邪熱為嘔也嘔而吞酸冷噦涎沫沉沉者寒邪為嘔也大抵傷寒表邪將傳入裏裏氣相逆則為嘔是以半表半裏之邪其證多嘔若邪全在表無是證也凡邪在半表半裏者和之散之氣逆者順之有痰者降之熱者清之寒者溫之千金云嘔家多服生薑此是嘔家聖藥然嘔家雖有陽明證不

可攻之蓋其氣逆在上而邪未入府本非胃實證也氣逆於上而攻其下下虛則逆氣乘之勢必大危若脉微弱者乃為尤甚

凡傷寒三陽傳畢三陰當受邪矣若其人反能食而不嘔此為邪不入陰是知邪之傳裏者乃致為嘔也觀乾薑附子湯證治云不嘔不渴者為裏無熱十棗湯證治云乾嘔短氣汗出不惡寒者此表解裏未和也即此觀之則凡嘔者知為裏證而兼煩渴者方為內

熱也

仲景論曰食穀欲嘔者屬陽明也吳茱萸湯主之得湯反劇者屬上焦也○曰少陰病吐利手足厥冷煩躁欲死者吳茱萸湯主之

論曰病人脉數數為熱當消穀引飲而反吐者此以發汗令陽氣微膈氣虛脉乃數也數為客熱不能消穀以胃中虛冷故吐也○東垣曰邪熱不殺穀故熱邪在胃則不食

論曰陽明病不能食攻其熱必噦所以然者胃中虛冷故也以其人本虛故攻其熱必噦○若胃中虛冷不能食者飲水則噦○若膈上有寒飲乾嘔者不可吐也急溫之宜四逆湯

論曰傷寒噦而腹滿視其前後知何部不利利之則愈
○治噦諸法詳呃逆門

勞力感寒

四十
六

凡因辛苦勞倦而病者多有患頭痛發熱惡寒或骨腿

痠疼或微渴或無汗或自汗脉雖浮大而無力亦多緊數此勞力感寒之證即東垣云內傷證也宜補中益氣湯或補陰益氣煎及五福飲等劑為良所謂溫能除大熱即此類也若或邪盛無汗脉見洪數而當和解者即當用新方散陣諸柴胡飲之類主之

一凡勞力感寒一證人皆以服役辛苦之人為言而不
知凡為名利所牽有不自揣以致竭盡心力而患傷
寒者皆其類也故凡有形勞而神不勞者勞之輕者

也若既勞其神又勞其形內外俱勞則形神俱困斯其甚矣今人之病傷寒者率多此類輕者和解治宜如前重者速宜救本當於後開培補諸方擇而用之庶乎有濟倘不知其所致之由而槩施混治但知攻邪則未有不誤人者矣此即勞倦內傷之類諸義具詳本門

虛證

四十
七

仲景曰陽微則惡寒陰弱則發熱是寒熱之有虛也○

曰其人本虛是以發戰是戰汗之皆因虛也○曰耳聾
無聞者陽氣虛也○曰面赤戴陽者陰不足也○曰無
陽不能作汗必身冷而脉遲也○曰客熱不能殺穀胃
中虛冷也○曰病人脉數數為熱當消穀引食而反吐
者此以發汗令陽氣微膈氣虛脉乃數也數為客熱不
能消穀以胃中虛冷故吐也○曰虛則鄭聲以言語亂
而不正也○曰身蹇惡寒而利因冷極而為厥逆也○
曰尺中脉微此裏虛須表裏實津液自和便自汗出愈

○曰脉促厥冷者宜灸以促脉有非因熱也○曰頭疼嘔吐之宜溫以頭疼之有屬陰也○曰不利而利發熱汗出者有陰無陽也○曰少陰脉沉者汗後熱不去而厥利惡寒者皆宜急溫也○曰舊有微溏者不可與梔子湯以裏虛而寒在下也○曰陽明病不能食攻其熱必噦所以然者胃中虛冷故也飲之水亦噦也○曰小便色白者以下焦之虛寒也○曰自利不渴者以臟中之無火也○曰邪中於陰者必生內慄因表氣虛而裏

氣不守也○曰發汗過多其人叉手自冒心心下悸而欲得按者亡其陽也○曰發汗病不解而反惡寒者虛故也○曰脉陰陽俱緊反汗出者亡其陽也

一諸脉有虛證見前卷

一忌汗下各有虛證見前卷

一表裏五藏各有虛實詳一卷傳忠錄虛實辨中俱當

互閱

動氣

四十

論曰諸動氣者不可發汗亦不可下○按此動氣一證
即築築然動於臍傍及左乳之下口虛里者皆其聯
絡者也考之難經則以臍之上下左右分心腎肝肺
四臟而各列其證在傷寒論所載亦詳成無已曰動
氣者臟氣不治正氣內虛也雖諸說如此然皆未盡
其要所以今之醫家多不識此為何證而且疑為未
見此證也余嘗留心察此所見極多蓋動氣之在臍
傍者皆本於下焦之陰分凡病關格勞損者多有

此證而尤於瘦薄者易見之其動之微者則止於臍
傍上下其動之甚者則連及虛里心脇真若卷卷連
續而混身皆振動者此以天一無根故氣不蓄臟而
鼓動於下誠真陰不守大虛之候也何以驗之但察
於呼吸饑飽之頃可得其徵凡病此者餒時則動甚
飽時則稍緩呼出則動甚吸入則稍緩但虛甚者動
必甚虛微者動亦微豈非虛實之明證乎即在病者
雖常覺其振動而無疼無癢尚不知為何故醫家多

不以為意弗能詳察故不知為何病此動氣之不明也久矣此動氣之見於虛損者極多而見於傷寒者亦不少也精虛者既不可汗陰虛者又不可下仲景但言其禁而不言其治然則動氣之治豈無法乎獨於霍亂條中云臍上築者腎氣動也用理中丸去朮加桂四兩以治之此其意在脾腎槩可知也然余之治此則惟直救真陰以培根本使其氣有所歸無不獲效欲察虛實者最不可忽此一證類經虛里穴下

有詳註當並考之

戰汗四十九

論曰脉浮而緊按之反芤此為本虛故當戰而汗出也
其人本虛是以發戰以其脉浮故當汗出而解○若脉
浮大而數按之不芤此本不虛故其欲解則但汗出而
不發戰也

一戰與慄異戰由乎外慄由乎內也凡傷寒欲解將汗
之時若其正氣內實邪不能與之爭則但汗出自不

作戰所謂不戰應知體不虛也若其人本虛邪與正
爭微者為振甚則為戰正勝邪則戰而汗解矣故凡
邪正之爭於外者則為戰戰其愈者也邪正之爭於
內者則為慄慄其甚者也論曰陰中於邪必內慄也
夫戰為正氣將復慄則邪氣肆強故傷寒六七日有
但慄不戰竟成寒逆者多不可救此以正氣中虛陰
邪內盛正不勝邪而反為邪氣所勝凡遇此證使非
用大補溫熱之劑及艾灼回陽等法其他焉得而禦

之

余嘗治一衰翁年踰七旬陡患傷寒初起即用溫補調理至十日之外正氣將復忽爾作戰自旦至辰不能得汗寒慄危甚告急於余余用六味回陽飲入人參一兩薑附各三錢使之煎服下咽少頃即大汗如浴時將及午而浸汗不收身冷如脫鼻息幾無復以告余余令以前藥復煎與之告者曰先服此藥已大汗不堪今又復此尚堪再汗乎余笑謂曰此中有神非

爾所知也急令再進遂汗收神復不旬日而起矣嗚呼發汗用此而收汗復用此無怪乎人之疑之也而不知汗之出與汗之收皆元氣為之樞機耳故余紀此欲人知閤闢之權不在乎能放能收而在乎所以主之者

頭汗

十五

頭汗之證有二一為邪熱上壅一為陽氣內脫也蓋頭為諸陽之會凡傷寒徧身得汗者謂之熱越若身無汗

則熱不得越而上蒸陽分故但頭汗出也治熱蒸者可清可散甚者可下在去其熱而病自愈至若氣脫一證則多以妄下傷陰或尅伐太過或泄瀉不止以致陰竭於下則陽脫於上小水不通而上見頭汗則大危矣

論曰傷寒五六日頭出汗微惡寒手足冷心下滿口不欲食大便難脉細者此為陽微結乃半在裏半在外也脉雖沉緊不得為少陰病所以然者陰不得有汗今頭汗出故知非少陰也可與小柴胡湯得屎而解

○曰傷寒五六日已發汗而復下之胸脇滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯主之

論曰傷寒十餘日但結胸無大熱者此為水結在胸脇也但頭汗出者大陷胸湯主之○曰陽明病下血譫語者此為熱入血室但頭汗出者刺期門隨其實而瀉之澱然汗出則愈

論曰太陽病醫反下之若不結胸但頭汗出餘處無汗

際頸而還小便不利身必發黃也○曰陽明病但頭汗出小便不利必發黃

論曰濕家下之額上汗出微喘小便不利者死若下利不止者亦死

脉經曰陽氣上出汗見於頭者蓋陽脫也

一頭汗脉緊數有表邪當散者宜小柴胡湯或柴胡桂枝乾薑湯及新方諸柴胡飲俱可酌用○若有火邪脉洪滑內多煩熱頭汗當清者宜人參白虎湯益元

散之類主之○若水結胸心下滿頭汗出者或大陷
胸湯或小半夏茯苓湯○若便結腹脹疼痛頭汗者
宜承氣湯○若諸虛泄瀉陽脫頭汗者宜速用獨參
湯或大補元煎六味回陽等飲作急救之庶可保全

吐衄

一五十一

凡治傷寒若見吐衄者雖有大熱忌用涼藥犯之必死
蓋胃中有寒陽氣弱極則衄逆而上此大凶之兆也急
用炮薑理中湯一服加烏梅二個花椒一二十粒服後

待虵定然後以小柴胡或補中益氣等劑漸治其餘蓋
虵聞酸則靜見苦則安也○仲景曰病人有寒復發汗
胃中冷必吐虵○虵厥證見三十九

腹痛五十

陶節菴曰傷寒腹痛有四若遶臍鞭痛大便結實煩渴
者皆屬燥屎痛急用寒藥下之因食積而痛者治亦同
一若小腹鞭痛小水自利大便黑身目黃者屬畜血痛
亦用寒劑加行血藥下盡黑物自愈

一凡傷寒腹中痛甚但將涼水一盞與病者飲而試之若飲水後痛稍可者屬熱痛當用涼藥清之○以上三條皆實熱痛也必脈來沉實有力方是此證若微弱者仍當詳審從緩治之

一若飲水愈加作痛此為寒痛當用溫藥和之和之不已而或四肢厥冷嘔吐瀉利者急用熱藥救之但須詳脈之有力無力方為良法

下利
三五

凡雜證下利多責於寒傷寒下利有寒有熱蓋熱邪傳裏則亦有下利之證但寒利最多熱利則僅見耳治者當辨寒熱若誤用之則為害最大

仲景論曰自利不渴者屬太陰以其臟有寒故也當溫之宜服四逆輩○少陰病二三日至四五日腹痛小便不利下利不止便膿血者桃花湯主之○少陰病吐利手足厥冷煩躁欲死者吳茱萸湯主之○少陰病下利白通湯主之○少陰病二三日不已至四五

日腹痛小便不利四肢沉重疼痛自下利者此為有水氣其人或欬或小便利或下利或嘔者真武湯主之○少陰病下利清穀裏寒外熱手足厥逆脈微欲絕身反不惡寒其人面色赤或腹痛或乾嘔或咽痛或利正脈不出者四逆湯主之○大汗出熱不去內拘急四肢疼下利厥逆而惡寒者四逆湯主之○下利清穀不可攻表汗出必脹滿

按此諸論乃皆言寒利之當溫也如所云手足厥逆

惡寒腹痛脉微欲絕下利清穀之類此固陰寒之甚者也其於疑似之間則猶有真辨凡傷寒下利由熱邪者必有煩躁大熱酷欲冷水等證亦必有洪滑強盛數實等脉如果表裏俱熱方可作火證論治若其脉雖數而無力外雖身熱而不惡熱內雖渴而不喜冷此其內本不熱而病為下利者悉屬虛寒治宜四逆湯理中湯溫胃飲胃關煎五苓散之類酌用可也或表裏寒邪俱甚則當以麻桂飲相兼用之為最妥

若以寒利作熱利妄用寒涼再損胃氣則無有不死
論曰下利腹脹滿身體疼痛者先溫其裏乃攻其表溫
裏四逆湯攻表桂枝湯

按此一條乃言表裏俱病而下利者雖有表證所急
在裏蓋裏有不實則表邪愈陷即欲表之而中氣無
力亦不能散故凡見下利中虛者速當先溫其裏裏
實氣強則表邪自解溫中可以散邪即此謂也

論曰熱利下重者白頭翁湯主之○下利脉數欲飲水

者以有熱故也白頭翁湯主之○少陰病下利六七
日欬而嘔渴心煩不得眠者猪苓湯主之

按此三條乃言熱利之當清也但既云脉數又欲飲
水是誠熱矣然寒邪在表脉無不數但數而有力者
為陽證數而無力者即陰證矣瀉利亡津無有不渴
但渴欲飲水愈多愈快者為陽證若口雖欲水而腹
不欲嚥者即非陽證矣此外如渴欲茶湯者乃瀉渴
之當然也不得悉認為熱證○一凡傷寒表邪未解

脉實滑數喜冷氣壯內外俱熱而下利者宜柴苓煎
主之

論曰少陰病自利清水色純青心下必痛口乾燥者急
下之宜大承氣湯○下利三部脉皆平按之心下鞭
者急下之宜大承氣湯○下利譫語者有燥屎也宜
小承氣湯

按此三條乃言下利之當攻者也凡傷寒下利者本
非陽明實邪不當譫語今既譫語故知有燥屎當去

也又若少陰下利心下有痛有鞭者必有所積故亦當下

一凡自利家身涼脉小者為順身熱脉大者為逆此以外無表證而病之在臟者言也○下利日十餘行脉反實者死○發熱下利至甚厥不止者死○直視譫語下利者死○下利無脉手足厥冷灸之不温脉不還者死○少陰病自利煩躁不得卧寐者死○大抵下利一證為脫氣至急五奪之中惟此為甚金匱要

畧曰六府氣絕於外者手足寒五臟氣絕於內者利下不禁臟氣既脫不能治也

協熱下利

五十四

仲景曰若不宜下而便攻之內虛熱入協熱遂利煩躁諸變不可勝數輕者困篤重者必死矣○太陽病二三日不能卧反下之若利止必作結胸未止者四日復下之此作協熱利也○太陽病外證未除而數下之遂協熱而利利下不止心下痞鞭表裏不解者桂枝人參湯

主之○陽明少陽合病若脉數不解而下不止必協熱而便膿血也

按此四條乃皆言表證未除而誤下之因致外熱未退內復作利故云協熱下利此一熱字乃言表熱也非言內熱也夫協者協同之協非挾藏之挾即表裏俱病之謂故治此者止有桂枝人參湯一方其義顯然可見即如成無已明理論曰表邪傳裏裏虛協熱則利乃亦以表邪為言也奈何後學不明此義止因

協熱二字每每以表作裏以寒作熱但見作利者無論表裏虛實即認為內熱便云協熱下利且近有不必誤下而妄用苓連治表熱者表證得寒熱愈不退乃致下利或脾胃素弱逢寒即泄者皆是此證既見下利益云協熱其謬孰甚獨不觀仲景桂枝人參湯豈治內熱之劑乎寒熱倒施殺人多矣予因特表於此

小便

五十五

凡傷寒小便清者病不在裏仍在表也當解表發汗○
小便利者病不在氣分而在血分以小水由於氣化也
陽盛則欲衄陰虛小便難

凡病傷寒而小水利者多吉以內邪不甚也

仲景曰陽明病汗出多而渴者不可與猪苓湯以汗多
必胃燥故不可復利小水也

論曰濕家之為病一身盡痛發熱身色如熏黃其人但
頭汗出背強欲得被覆向火舌上如胎者以丹田有

熱胸中有寒渴欲得水而不能飲此濕痺之候其人小便不利大便反快者但當利其小便

凡傷寒表證未除病在陽分者不可即利小便蓋走其津液取汗愈難且恐大便乾結也

死證

五十六

陶節菴曰凡看傷寒極要識各經中死證死脉須一一理會過免致臨病疑惑但見死證但當以脉參之如果有疑似莫下藥雖至親洩懇亦不可治倘有差失咎將

歸於已矣

一脈浮而洪身汗如油喘而不休水漿不入形體不仁
乍靜乍亂此命絕也○汗出髮潤喘而不休此肺絕
也○形如烟煤直視搖頭此心絕也○脣吻色青四
肢振動此肝絕也○環口黎黑冷汗發黃此脾絕也
○溲便遺失狂言反目直視此腎絕也

一少陰病惡寒身蹇而利手足逆冷者不治○少陰病
吐利躁煩四逆者死○少陰病四逆身蹇脈不至不

煩而躁者死○少陰病六七日息高者死○少陰病至五六日自利煩燥不得臥寐者死○少陰病下利厥逆無脉服藥後脉微續者生脉暴出者死○少陰病但厥無汗而強發之必動其血未知從何道出或從口鼻或從目出是名下厥上竭為難治

一陰病見陽脉者生陽病見陰脉者死○脉純弦者死○脉陰陽俱虛熱不止者死○脉陰陽俱盛大汗出熱不解者死○手足逆冷脉沉細讖言妄語者死○

脉證俱虛而見讖妄者死○傷寒六七日脉微手足厥冷煩躁灸厥陰厥不還者死○寸脉上不至關為陽絕尺脉下不至闕為陰絕此皆不治決死也○傷寒下利日十餘行脉反實者死

一傷寒病脇下素有痞氣連於臍傍痛引少腹入陰筋者此名臟結死○發熱下利厥逆躁不得卧者死○發熱下利至甚厥不止者死○直視讖語喘滿者死下利者亦死○下利發熱者亦死○發熱而厥七日

下利者難治○傷寒六七日發熱而利汗出不止者
死有陰無陽故也○陽氣前絕陰氣後絕者陰證也
其人死後身色必青○陰氣前絕陽氣後絕者陽證
也其人死後身色必赤腋下溫心下熱也

金匱要畧曰六府氣絕於外者手足寒五臟氣絕於內
者利下不禁蓋傷寒發熱為邪氣獨甚若下利至甚
厥不止此以邪未解而府臟之氣先絕故死

靈樞熱病篇曰熱病不可刺者有九一曰汗不出大顛

發赤噦者死○二曰泄而腹滿甚者死○三曰目不
明熱不已者死○四曰老人嬰兒熱而腹滿者死○
五曰汗不出嘔下血者死○六曰舌本爛熱不已者
死○七曰欬而衄汗不出出不至足者死○八曰髓
熱者死○九曰熱而瘧者死腰折痰癢齒噤斷也

景岳全書卷八

欽定四庫全書

景岳全書卷九

明 張介賓 撰

傷寒下

傷寒逆證賦

五十
七

傷寒難療逆證須知陽病怕逢陰脈謔語陰證非宜乍
踈乍數脈之忌口張目陷舌如煤乾嘔出氣骨節痛而
呃逆弗已發斑發黃大便利而先赤後灰霍亂躁煩心
下悶而喘脹腹膨呃逆下瀉利而難溲四肢厥逆眼定

腹疼如石內外關格頭汗陽脫溲遲頭連胸痛四肢冷
聲啞唇瘡狐惑悲七日已過復大熱喘逆上氣脈散危
陰陽易脈離經而外腎腫手足攣拳加腹痛陰陽交大
汗後而熱愈甚躁疾狂言食更稀厥利無脈灸而不至
者腎殆唇青舌卷耳聾囊縮者肝離赤斑黑斑救五而
救一尋衣撮空兩感者何疑凡諸汗證仍當備言只在
頭面不遍身鼻衄不止口噤肉戰多喘促如油汗圓當
汗無汗麻黃數劑不能通尤嫌脈躁汗後嘔吐水藥不

入證反劇言亂目眩濕家大汗必成痙風濕與膽皆譫
言犯濕溫則身青面變耳聾不語名重暘發少陰必九
竅出血下厥上竭奚能痊動氣脈遲弱皆忌風濕和中
濕不堪其諸下利尤宜細參熱厥利而汗難止冷厥利
而躁不眠少陽陽明合病脈弦者負少陰吐瀉無脈拳
厥躁煩譏語直視而喘滿下利頻數而脈堅臟結者臍
痛引陰白胎下利除中則厥逆而利反能食焉誤下濕
家之頭汗溲難便利喘加添體如熏而搖頭直視心神

已絕唇吻青而四肢多汗肝氣不全腎絕者直視狂言而遺尿反目肺絕者喘無休歇而汗潤髮顛虛汗發黃環口黑非脾經之吉兆孤陽偏勝脈暴出知陰絕之在先此傷寒之逆候勿僥倖以圖全

傷寒治例

五十八

汗散類

溫散諸方

麻黃湯

散

大溫

凡太陽陽明傷寒而陰邪甚

者宜此

桂枝湯

九散

大溫

凡太陽中風兼寒有汗者宜

此

麻桂飲

七新散

大溫

凡傷寒初感邪盛氣實者無

論諸經四季先宜用此

二柴胡飲

二新散

微溫

凡邪感三陽及三陽併病

寒勝者宜此主之三陰初感者亦可用

葛根湯

九散二

大溫

治冬月太陽經傷寒項背強

無汗惡風者宜此

五積散

散三九

微溫

凡感寒邪而陰盛於陽外有

表證內有嘔吐腹痛及寒濕客於經絡筋骨痠

疼等證宜此

十神湯

散四

微溫

凡時氣風寒溫疫發熱憎寒

頭疼欬嗽無汗當溫散者宜此

麻黃附子細辛湯

散三

大溫

少陰傷寒脈沈發

熱者宜此

小青龍湯

八散

大溫

凡傷寒陰勝表邪不解及

心下有水氣嘔噦欬嗽發熱小腹痛者宜此

消風百解散

六散

微溫

凡四時傷寒頭疼發熱

及風寒欬嗽鼻塞聲重者宜此

柴胡桂枝乾薑湯

十四散

微溫

傷寒汗下後但頭

汗出寒熱往來邪不解者宜此

桂枝加黃耆湯

十散

大溫

黃疸脈浮當以汗解

者宜此

涼散諸方

一柴胡飲

一新散一

微涼

凡六經初感內外俱有熱

者宜此

小柴胡湯

九散十

微涼

凡邪在少陽及三陽併病

但屬半表半裏往來寒熱兼嘔者宜此

九味羌活湯

四散四

微涼

凡四時不正之氣風寒

感冒憎寒壯熱頭疼身痛者宜此

柴葛解肌湯

一散三

微涼

凡足陽明證發熱脈洪

者宜此

升麻葛根湯

散三

微涼

陽明證具及小兒疫癘

瘡疹等證宜此

歸葛飲

新散十三

次涼

凡陽明溫暑大熱大渴津枯

不能作汗者宜此

六神通解散

寒十五

大涼

凡發熱頭疼脈洪無汗

三陽伏火而表邪不解者宜此

柴胡白虎煎

新散十二

大寒

凡溫病熱極表裏不解

者宜此

柴平湯

和二
三

微涼

凡溫瘧身痛手足沈重寒熱

者宜此

柴芩煎

新散
十

大涼

凡表邪未解內外俱熱泄瀉

不止者宜此

大青龍湯

散
七

微寒

凡太陽中風發熱無汗而

躁煩者宜此

升麻湯

散百
十三

大寒

凡無汗而喘煩渴發斑者宜

此

四逆散

散二八

微涼

凡陽邪亢極四支厥逆者宜

此

平散諸方

三柴胡飲

新散三

凡肝脾陰虛血少而偶感風寒者

宜此

正柴胡飲

新散六

凡血氣本無虧損而感冒寒邪者

宜此

柴陳煎

新散九

凡感冒風寒發熱而兼欬嘔惡者

宜此

參蘇飲

散三

凡四時感冒傷寒頭痛發熱無汗及

欬嗽聲重往來潮熱者宜此

敗毒散

散三

凡四時瘟疫寒熱身體疼痛及烟瘴

之氣或處卑濕脚氣者宜此

升陽散火湯

散四

凡胃虛血虛因寒邪冷物抑遏

陽氣以致發熱者宜此發之

加減小柴胡湯

散二

凡少陽經寒熱往來脈弦腹

痛者宜此

兼補兼散諸方

補中益氣湯

補三一

凡勞倦傷脾中氣不足以致外

感發熱者宜此

補陰益氣煎

新補十六

凡邪陷陰中陰虛不能作汗身

熱不退或往來寒熱者宜此

三柴胡飲

新散三

凡肝脾血分微虛而感外邪者宜

此

四柴胡飲

新散四

凡脾肺氣虛或勞倦感寒發熱者

宜此

五柴胡飲

新散五

凡脾腎血氣不足而感外邪發熱

者宜此

理陰煎

新熱三

大溫

凡真陰不足或因勞倦感寒

陰虛假熱寒邪不解者速宜用此

大溫中飲

新散八

大溫

凡中氣虛寒感邪發熱無

汗表不能解者速宜用此

調中益氣湯

補三

凡風寒濕熱所傷食少體重者

宜此

溫中和中類

大溫兼補諸方

人參理中湯

一熱

大溫

治太陰即病自利陰寒

腹痛嘔吐中氣虛寒脹滿厥逆瘧痢等證

四逆湯

四熱十

大溫

治傷寒陰證自利脈沈身痛

而厥

胃闕煎

新熱丸

大溫

凡脾腎虛寒瀉利不止者宜

此

桂枝人參湯

散十三

大溫

傷寒表裏不解協熱下

利者宜此

白通湯

熱一四六

大熱

少陰下利者宜此

桃花湯

熱一四七

微溫

少陰下利膿血者宜此

真武湯

熱一四三

大溫

少陰傷寒腹痛或嘔或利者

宜此

回陽返本湯

熱四
五

大溫

傷寒陰盛格陽陰極發

躁脉弱無力者宜此

四味回陽飲

新熱
一

大溫

陽脫氣虛者宜此

煖肝煎

新熱
十五

大溫

凡肝腎陰寒小腹疼痛者宜

此

吳茱萸湯

熱一
三八

大熱

嘔而胸滿吐涎頭痛者宜

此

當歸四逆湯

熱二

微溫

傷寒厥逆脉細下利腸

鳴者宜此

茯苓甘草湯

熱七

大溫

水停心下作悸作利者

宜此

甘草附子湯

熱三

大熱

風濕相搏者宜此

桂枝附子湯

熱三

大熱

風濕相搏筋骨疼痛者

宜此

乾薑附子湯

熱三

大熱

瘴毒陰證厥逆嘔吐自

利汗出者宜此

華陀救陽脫方

熱六

治陰寒直中三陰證

微溫和中諸方

二陳湯

一和

微溫

凡風寒欬嗽痰飲嘔惡脾胃

不和者宜此

六君子湯

五補

微溫

凡脾胃虛弱或久患瘧痢

或嘔吐吞酸者宜此

金水六君煎

一新

和微溫

凡陰虛受寒欬嘔喘促

吞酸痞滿等證宜此

平胃散

和十微溫

凡寒傷脾胃心腹脹滿嘔惡

不思飲食身體疼痛瀉利者宜此

藿香正氣散

和十微溫

凡外感風寒內停飲食

頭疼寒熱吐瀉脹滿者宜此

烏梅丸

和二微溫

吐蚘蚘厥者宜此

清理類

清火諸方

抽薪飲

三新寒

大寒

凡熱邪內蓄之甚者宜此

徒薪飲

四新寒

次寒

凡熱邪內蓄將甚未甚者宜

此

黃蓮解毒湯

一寒

大寒

凡熱邪內盛煩躁狂斑

口渴舌焦喘滿脉洪熱甚者宜此

白虎湯

二寒

大寒

凡脉洪大渴陽明熱甚或中

暑虛煩等證宜此

人參白虎湯

三寒

大涼

凡赤斑口渴煩躁暑熱

脉洪大浮虛者宜此

三黃石膏湯

寒十一

大寒

凡疫瘟大熱而躁者宜

此

一六甘露散

新寒十五

大寒

陽明實熱煩躁斑黃等

證宜此

益元散

寒百十二

次寒

凡中暑身熱煩渴小水不利

者宜此

玉女煎

新寒十二

大寒

凡陰虛水虧陽明火盛煩渴

內熱者宜此

陽毒升麻湯

散百六

大涼

凡陽毒赤斑狂言失血

者宜此

竹葉石膏湯

寒五

微寒

陽明汗多而渴鼻衄喜

水暑熱煩躁者宜此

桂苓甘露飲

寒八

微寒

凡伏暑發熱煩躁水道

不利者宜此

黃芩清肺飲

寒三

次寒

肺熱小水不利或便血

者宜此

大連翹飲

寒七

次寒

凡風熱熱毒大小便不利

及瘡毒丹瘤等證宜此

普濟消毒飲

寒十

大寒

凡疫癘大行憎寒壯熱

頭腫目閉喘渴咽喉不利俗名大頭瘟熱毒等

證宜此

梔子蘘皮湯

寒二

大寒

傷寒身黃內外俱熱者

宜此

白頭翁湯寒一八四 大寒 治傷寒熱利

玄參升麻湯外八四 次寒 瘟疫頰腮腫痛發斑咽

痛者宜此

小陷胸湯寒十六 微涼 凡小結胸熱邪脹滿者宜

此

八正散寒百十五 大寒 凡心經蘊熱臟腑秘結小便

赤澀血淋等證宜此

解瘟疫熱毒法寒二四

清血清便滋陰諸方

犀角地黄湯

寒七
九

微涼

凡熱入血分吐衄斑黃

及血熱血燥不能作汗表不解者宜此

二陰煎

新補
十

大涼

心經有熱狂笑煩熱失血者

宜此

加減一陰煎

新補
九

大涼

凡水虧火盛煩熱動血

者宜此

五苓散

和
八

微溫

凡暑熱霍亂泄瀉小水不利

濕腫脹滿者宜此

導赤散

寒一
二

微涼

心火小腸熱秘小水不利者

宜此

大分清飲

新寒
五

微寒

凡積熱閉結小水不通熱

瀉等證宜此

小分清飲

新和
十

性平

凡小水不利濕滯腫脹泄

瀉者宜此

猪苓湯

和一
八

微涼

傷寒下後發熱小便不利者

宜此

清胃諸方

大和中飲

新和

性平

凡邪結胃脘氣逆食滯者

宜此

小和中飲

新和

性平

胸膈脹滿嘔惡氣滯者宜

此

小半夏茯苓湯

九和

微温

膈間有水嘔吐心下

痞者宜此

半夏瀉心湯寒二微涼 嘔而腸鳴心下痞者宜
此

吐瀉類

獨聖散攻百 凡邪實上焦及痰涎積蓄者宜此

茶調散攻百 治同前

吐劑新攻 此有二法便而且易可隨宜用之

梔子豉湯寒二 傷寒煩熱懊憹當吐者宜此

攻下類

峻下諸方

大承氣湯

一攻

凡陽明太陰傷寒及各經實熱內

結宜此

小承氣湯

二攻

凡病在太陰無表證潮熱脈實狂

言腹脹者宜此

調胃承氣湯

三攻

凡太陽陽明不惡寒反惡熱潮

熱邪入腑者宜此

桃仁承氣湯

四攻

凡傷寒蓄血證小腹急痛大便

不通而黑者宜此

大柴胡湯

攻七

凡傷寒表證未除裏證又急當汗

下兼行者宜此

大陷胸湯

攻九

凡結胸脹痛連腹手足不可近者

宜此

六一順氣湯

攻八

凡傷寒熱邪傳裏便實口燥狂

斑潮熱腹脹鞭痛等證宜用此以代三承氣湯

涼膈散

攻九

凡三焦六經火邪內結不通者宜此

百順丸

新攻六

凡三焦熱秘邪不解者宜此

茵陳蒿湯

攻三

穀疸發熱身黃便結者宜此

罨結胸法

新因三十

攻補兼用諸方

黃龍湯

攻一

凡傷寒熱邪傳裏當下而氣血兼虛

者宜此

玉燭散

攻四

凡血虛有滯而熱邪傳裏腹脹作痛

者宜此

培補類

峻補諸方

大補元煎

新補一

凡元氣太虛者雖有寒邪亦不可

攻必單培根本正復邪將自散或真寒假熱等證皆宜用此

大營煎

新補十四

此大補元煎之次者也酌宜用之

三陰煎

新補十一

凡三陰不足及風瘧多汗而正氣不

復寒熱不止者宜此

六味回陽飲

二新熱

凡陰陽大虛元氣將脫者非此

不可

八珍湯

十補九

氣血兩虛者宜此

十全大補湯

十補二

凡氣血兩虛惡寒發熱倦臥眩

運自汗諸虛者宜此

大建中湯

三補一

凡中氣不足厥逆嘔吐虛斑虛火

筋骨疼痛等證宜此

獨參湯

六補三

凡氣虛氣脫畏聞諸藥氣味及反胃

嘔吐垂危者唯此為宜

參附湯

補三

凡真陽不足喘嘔呃逆腹痛厥冷氣

短者宜此

參歸湯

補三

凡心虛血虛盜汗等證宜此

補陰諸方

一陰煎

新補

凡腎水真陰不足而虛火為邪者宜

此

小營煎

新補

凡血少陰虛而無火者宜此

左歸飲

二新補

凡命門真陰虧損雖有寒邪不可攻

者宜此

右歸飲

三新補

凡命門陽衰或陰盛格陽感邪不可

攻者宜此

四物湯

八補

凡陰虛營弱病在血分者宜此

生脉散

七補五

凡熱傷元氣口渴氣短煩躁倦怠汗

出者宜此

六味地黄丸

二補一

陰虛水虧發熱等證宜此

崔氏八味丸

補一
二

凡陰盛格陽火不歸原及真陽

虛敗等證宜此

補中諸方

四君子湯

補一

凡脾胃虛弱食少體瘦瘧痢勞倦

等證宜此

五君子煎

新熱
六

凡脾胃氣分虛弱而微寒當溫者

宜此

五味異功散

補四

凡脾胃虛寒飲食少思氣逆腹

滿者宜此

五福飲

六新補

凡五臟氣血俱虛者宜此為主

溫胃飲

五新熱

凡中寒嘔吐吞酸者宜此

養中煎

四新熱

凡中氣虛寒為嘔為泄者宜此

歸脾湯

三補

凡脾虛健忘怔忡少食困倦瘧痢等

證宜此


參苓白朮散

五補

凡脾胃虛弱吐瀉食少等證宜

此

參朮湯補四凡氣虛顛掉泄瀉嘔吐者宜此



景岳全書卷九